



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° ՎԿ- 003

«ՎԱՐՉԱԿԱՆ ԻՐԱՎԱԽԱՒՏՄԱՆ ՎԵՐԱԲԵՐՅԱԼ ԳՈՐԾԻ ՎԱՐՈՒՅԹԸ ԿԱՐՃԵԼՈՒ ՄԱՍԻՆ»

ք. Երևան

« 01 » Փետրվարի 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Հ. Մարգարյանի կողմից 14.12.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրք) 169.16-րդ հոդվածի 6-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Գայանե Թելմանի Գալստյանի կողմից Երևան քաղաքի Մ. Խորենացի փողոցի հ. 24 թիվ D25, 26 հասցեում՝ առանց համապատասխան թույլտվության իրականացվել է թանկարժեք մետաղներից պատրաստված իրերից պատրաստված իրերի վաճառք, որի վերաբերյալ 10.01.2023 թվականին կազմվել է վարչական իրավախախտման վերաբերյալ թիվ Ա-001485 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին է լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 01.02.2023 թվականին գործի քննությանը ներկայացավ անհատ ձեռնարկատեր Գայանե Թելմանի Գալստյանի ներկայացուցիչ Արմեն Գալստյանը (անձնագիր՝ AR 0460448, տրված 20.09.2017 թվականին 058-ի կողմից): Վերջինս վարչական մարմնին բացատրություն տվեց այն մասին, որ լուսանկարում պատկերվածը քննարկվող տարածքն է: Հաջորդիվ անհատ ձեռնարկատեր Գայանե Թելմանի Գալստյանի ներկայացուցիչ Արմեն Գալստյանը կատարեց վարչական վարույթի նյութերի լուսանկարահանում: Վերջինս հավելեց նաև, որ չեն ընդունում իրավախախտումը: Անհատ ձեռնարկատեր Գայանե Թելմանի Գալստյանը մինչ դեկտեմբերի 14-ը արդեն իսկ դադարեցրել է անհատ ձեռնարկատիրական գործունեությունը: Սեղանը հանձնել են վաղուց: 14.12.2022 թվականի դրությամբ անհատ ձեռնարկատեր Գայանե Թելմանի Գալստյանը այլևս նշված հասցեում գործունեության հետ առնչություն չի ունեցել: Լուսանկարում պատկերվածը այլ անձ է: Անհատ ձեռնարկատեր Գայանե Թելմանի Գալստյանը անբուժելի հիվանդ է ինչի պատճառով էլ դադարեցրել է գործունեությունը: Վերոնշյալ փաստական հանգամանքներով պայմանավորված միջնորդություն է ներկայացնում գործի վարույթը կարճելու վերաբերյալ: Ներկայացնում է անհատ ձեռնարկատիրոջը հաշվառումից հանելու վերաբերյալ 16.11.2022 թվականի տեղեկանքը:

Անհատ ձեռնարկատեր Գայանե Թելմանի Գալստյանի ներկայացուցիչ Արմեն Գալստյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևանի քաղաքապետարանի աշխատակազմի առևտրի և ծառայությունների վարչության աշխատակցի 10.01.2023 թվականի «Արձանագրություն» վերառությամբ գրությունը, ինչպես նաև անհատ ձեռնարկատեր Գայանե Թելմանի Գալստյանի ներկայացուցիչ Արմեն Գալստյանի կողմից տրված բացատրությունը և լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց, որ անհատ ձեռնարկատեր Գայանե Թելմանի Գալստյանը անհատ ձեռնարկատիրական գործունեությունը դադարեցրել է 16.11.2022 թվականին, ինչից հետևում է, որ վերջինիս կողմից 14.12.2022 թվականին չէր կարող իրականացվել արձանագրությամբ վկայակոչված՝ Երևան քաղաքի Մ. Խոբեկնացի փողոցի հ. 24 թիվ D25, 26 հասցեում՝ առանց համապատասխան թույլտվության իրականացնել թանկարժեք մետաղներից պատրաստված իրերից պատրաստված իրերի վաճառքը:

Բացի այդ որպես իրավախախտման հատկանիշներ պարունակող արարքի կատարման սուբյեկտ արձանագրությամբ վկայակոչված է անհատ ձեռնարկատեր Գայանե Թելմանի Գալստյանը, իսկ որպես ժամանակամիջոց՝ վկայակոչված է 14.12.2022 թվականը, որպիսի պայմաններում վարչական մարմինն արձանագրում է, որ իրավախախտման հատկանիշներ պարունակող արարքի կատարման հայտնաբերման ժամանակամիջոցում վարչական իրավախախտման զանցակազմը բացակայել է, քանի որ նշված ժամանակահատվածում արձանագրությամբ վկայակոչված սուբյեկտը գոյություն չի ունեցել:

Վերոգրյալով պայմանավորված վարչական մարմինն արձանագրում է, որ քննարկվող դեպքում բացակայում է վարչական իրավախախտման զանցակազմը, ինչից հետևում է, որ թիվ Ա-001485 արձանագրության հիման վրա հարուցված վարչական վարույթը Օրենսգրքի 247-րդ հոդվածի 1-ին մասի հիմքով ենթակա է կարճման:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անգործ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 169.16-րդ հոդվածի 6-րդ մասի համաձայն՝ առանց թույլտվության համայնքի տարածքում թանկարժեք մետաղներից պատրաստված իրերի մանրածախ առք ու վաճառք իրականացնելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկից մինչև հարյուրհիսնապատիկի չափով:

Սույն մասով նախատեսված խախտումը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկից մինչև երեքհարյուրապատիկի չափով:

Օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

Ելնելով վերոգրյալից և ղեկավարվելով Օրենսգրքի 219.1-րդ, 247-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Գայանե Թելմանի Գալստյանի նկատմամբ 10.01.2023 թվականին կազմված վարչական իրավախախտման վերաբերյալ թիվ Ա-001485 արձանագրության հիման վրա հարուցված վարչական վարույթն 247-րդ հոդվածի 1-ին կետի համաձայն կարճել:

2. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՍ ՄԱՐՏԻՐՈՍՅԱՆ